

蘇州府志
(乾隆)

一四

蘇州府志卷第七十七

祥異

傳曰天道遠人道邇分野寥闊象緯難以切指五行事應尤近附會錄其著於上見於下者以有徵焉爾

周敬王三十八年至元王六年吳歲薦饑市無赤米

國語注赤米米之姦

者今尙無有稻蟹不遺種

漢文帝五年吳大風壞城官府民室

十二年吳有馬生角在耳前上鄉右角長三寸左角長二寸皆

大二寸

景帝三年十二月吳二城門自傾

漢書注其一門名曰楚門一日魚門

祥異

建武十四年會稽大疫

晉太康七年十二月己亥毗陵雷電南沙司鹽都尉戴亮以聞
永嘉元年吳縣民萬詳婢生子鳥頭兩足馬蹄一手無毛尾黃
色大如枕

太興二年六月吳郡米廩無故自壞是歲大饑

三年四月庚寅吳郡地震

咸和四年十二月吳郡雨震電

九年五月甲戌吳縣吳雄家有死榆樹因風雨起生

咸康七年吳縣沙里木生連理

建元元年七月庚寅吳郡災風

太和六年吳郡大水

太元元年八月朔大風拔吳高陵松柏石碑蹉跌

高陵孫
堅墓

宋元嘉十二年吳郡大水

大明七年春太湖旁忽多鼠其夏水至悉化爲鯉魚民人一日
取轉得三五十斛明年大饑

太始七年吳郡木生連理

齊建元二年夏吳郡大水

建武二年吳郡雨傷稼自是三年四年每秋七月八月輒大風
發屋折木殺人

永元二年夜天開黃色明照須臾有物絳色如小甕漸大如倉

廩石隆隆如雷墜太湖中野雉皆雉

隋大業十三年十一月有大流星從北來磨拂竹木皆有聲至吳郡城下墮地時劉元進舉兵據郡見而惡之令掘地入二丈得一石徑丈餘後數日失石所在

唐貞觀三年秋蘇州水

大足元年七月蘇州地震

興元六年夏浙西大旱井泉竭人暍疫死者甚衆

元和三年秋浙西旱

十二年六月蘇州水害稼

長慶四年夏蘇州水太湖溢

太和六年二月蘇州大水地震生白毛

開成三年蘇州水溢入城

寶歷元年秋浙西大旱

乾寧二年四月辛卯蘇州雨雪

後唐同光四年蘇州大水水中生菜如豆民取食之

石晉天福五年蘇州大水

宋咸平元年蘇州解後園禾生合穗

大中祥符三年九月太湖溢蘇州吳江壞廬舍

乾興元年蘇州水無禾湖田生聖米居民取以食

天聖元年太湖溢壞吳江外塘

嘉祐五年七月蘇州水

熙寧七年太湖水涸

元豐元年七月四日夜蘇州大風雨潮高二丈餘漂蕩尹山至吳江塘岸洗滌橋梁沙土皆盡惟石僅存崑山張浦沙保有六百戶悉漂盡惟餘五戶空屋人亦不存

四年七月太湖溢自吳江至平望民居盡壞死者萬餘人
紹聖元年秋蘇州海風害民田

二年夏至於秋蘇州地震

元符二年冬蘇州水

政和五年八月蘇州水

紹興元年浙西大疫平江府以北流尸無算

二年秋八月五日長洲縣地震自西北來樹木皆搖動

三年平江府地大震

四年蘇州雨害稼

十三年三月望平江府大雪盈尺

二十八年七月平江府大風雨潮漂數百里壞田廬是歲饑二

十九年大饑

隆興元年八月平江府大風水

二年七月平江府大水浸城郭壞廬舍圩田軍寨人操舟行市者累月積陰越月

乾道元年平江府大饑

六年五月平江府大水

淳熙十二年八月平江府有蟲聚於禾穗油灑之卽墮一夕大雨盡滌之

紹熙元年長洲縣彭華鄉麥秀四岐

五年八月平江府水

慶元二年十二月吳縣金鵞鄉銅錢百萬自飛

嘉定十六年五月平江府水害稼漂民廬圯城郭隄防溺死者

甚衆

元至元二十三年六月平江路屬縣水壞民田

二十四年蘇州饑

二十八年平江路饑

二十九年六月平江路水

元貞元年五月平江長洲縣水九月平江路大水

大德三年六月平江路水

五年七月朔海溢颶風拔平江路治吳長洲縣治皆起空中乃

墮

十年五月平江路水害稼七月大風海溢吳江州大水

至治二年十一月平江路大水損民田四萬七千六百頃

泰定元年五月崑山州饑

至順元年閏七月平江路大水壞民田

二年十月吳江州大風太湖溢漂民居一千九百七十餘家

天歷元年八月平江水沒民田

後至元三年平江饑稼穡不成

至正八年四月平江大水

明洪武六年蘇州饑

八年十二月蘇州水

十一年七月海溢蘇州人多溺死

永樂二年六月蘇州水

十三年蘇州旱

洪熙元年夏蘇州積雨傷稼

正統元年海溢常熟縣傷禾

四年七月蘇州大風拔木殺稼八月水

九年春蘇州饑

景泰五年七月蘇州大水

六年春蘇州饑

天順五年七月海溢崑山縣人溺死甚衆

成化八年常熟縣麥秀兩岐

弘治元年十二月常熟縣虞山鳴

四年八月蘇州水

祥異

七年海溢蘇州平地水五尺沿江者一丈民多溺死

八年蘇州饑

十六年蘇州旱

十八年九月甲午蘇州地震

正德四年蘇州饑

五年十一月蘇州水

七年蘇州旱

十二年蘇州大雨殺麥禾

十三年蘇州大雨彌月漂溺室廬人畜無算夏五月癸丑常熟縣俞野邨迅雷震電有白龍一黑龍二並乘雲口吐火目睛

若炬撤民居三百餘家吸二十餘舟於空中舟人墜地多怖死是夕雨如注色赤五日乃止

嘉靖二年八月蘇州大水

二年正月辛巳蘇州地震

九年蘇州旱

三十八年蘇州旱

隆慶元年蘇州大饑

十六年十七年蘇州連大旱太湖爲陸地

二十八年蘇州饑

萬歷二年九月蘇州水

五年六月蘇州大雨寒如冬傷稼

七年蘇州大水

十年七月海溢蘇州壞田禾人溺死甚衆

十四年冬蘇州木冰

十五年五月至秋七月蘇州淫雨傷禾麥

十七年大旱太湖水涸

十九年六月蘇州大水溺人數萬秋七月海溢

二十九年夏蘇州淫雨傷麥

天啓七年太湖溢入吳江簡邨漂溺千餘家

崇禎十三年蘇州大饑

本朝順治四年饑

八年正月丁卯夜蘇州地震夏大水民飢

九年大旱

十年六月乙卯大風雨海溢平地水丈餘人多溺死

十二年二月庚申崑山地震

十五年八月丁丑蘇州地震九月大水

康熙元年歲大稔

三年七月甲午海溢九月丙子崑山地震

四年秋海溢

五年十二月丁未朔蘇州地震越八日甲寅又震

詳異